

Gveigangj Si Mungzgungh Minzcungh Lai Cungj Banh-fap Guh Ndei Hong Hagdangz Minzcuz Vwnzva Gensez

贵港市蒙公乡民族中学多渠道做好学校民族文化建设工作

Geij bi neix daeuj, Gveigangj Si Mungzgungh Yangh Minzcuz Cunghyoz yawjnaek hong hagdangz minzcuz vwnzva gensez, dawz gij hong hagdangz minzcuz vwnzva gensez dangguh gij hong ngoennaengz aeu guh haenx. Daegbied dwg gvaq bineix daeuj, Mungzgungh Minzcungh ndaej dingh guh yienghndei swcigih minzcuz vwnzva gyauyuz hagdangz le, Mungzgungh Minzcungh sij ndaej ok ngaenz hung caeuq rengz hung, gyahung hagdangz minzcuz vwnzva gensez ligdoh. Daengz seizneix dauq, Mungzgungh Minzcungh gaenq ok 36 fanh maenz ngaenz guhbaenz aen yauveih miz minzcuz daegsaek ndeu, diuz vwnzva cangzlangz miz 48 mij raez ndeu, aen dieg baijcuengq doxgaiq hongdawz vwnzva ndawbiengz Bouxcuengh ndeu, aen ranz baijcuengq doxgaiq vwnzva ndawbiengz Bouxcuengh ndeu. Doenggvaq okbanj doenghgi minzcuz vwnzva cihsiz, baijcuengq doenghgi doxgaiq hongdawz caeuq doxgaiq swnghoz vwnzva ndawbiengz Bouxcuengh doenghyiengh hong neix, youq ndaw hagdangz cauxguh caeuq hwnghwj gij heiqaen minzcuz vwnzva lai raeuh, ndaej daengz baihgwnz lingjauj haenhndei. 2014 nienz 12 nyied 5 hauh, Swcigih Gyauyuzdingh Yivu Gyauyuz Ginhhwngz Fazcanj Duzdauj Bingzguj Lingjauj Siujcuj daengz aen hagdangz neix genjcaz seiz, couh haenh Mungzgungh Minzcungh banhhag miz minzcuz daegsaek, hagdangz vanzging gyaeunde, sezsih caezcienz, aeundaeg cingzeik yienhda.

Vih guh ndei gij hong hagdangz minzcuz vwnzva gensez, daengx hagdangz hagseng lauxsae caez ok geiq ok rengz, gij guhfap gyoengqde miz lajneix geij fuengmienh:

Lai yiengq lingjauj veibau guh hong cingzvang, ceng' aeu lingjauj daemxcengj gij hong hagdangz minzcuz vwnzva gensez. Bi' gvaq Swcigih Gyauyuzdingh bued hawj Mungzgungh Minzcungh 20 fanh maenz ngaenzcienhangh hagdangz minzcuz vwnzva daeuj gensez minzcuz vwnzva cangzlangz.

Lai caeuq doenghboux giyezgyah miz ngaenz haenx lienzhaeh, ceng' aeu gyoengqde daemxcengj



▲ Hagdangz minzcuz vwnzva cangzlangz: Gveigangj Si ngoenzciet fungsug Bouxcuengh.



▲ Hagdangz vwnzva cangzlangz: Gvangsikh Bouxcuengh vwnzva yisuz maenhndei.



▲ Hagdangz minzcuz vwnzva cangzlangz yinx vunz yawj.



▲ Aen yauveih Munghgungh Minzcungh.

gij hong minzcuz vwnzva gensez hagdangz. Gvaq bineix daeuj, hagdangz ndaej daengz Luz Gozgoz, Banz Swjfungh daengj doenghboux giyezgyah vunz Mungzgungh bangcoh, sien demh cienz 20 lai fanh maenz bang hagdangz guh baenz aen dieg caeuq aen ranz baijcuengq doxgaiq vwnzva ndawbiengz Bouxcuengh, youh hawj hagdangz gien 2 fanh lai maenz.

Lai guh senhconz, ceng' aeu lauxsae, ginzung dangdieg caeuq bohranz hagseng daemxcengj gij hong minzcuz vwnzva gensez hagdangz. Doenggvaq fatdoengh, ndaej daengz lauxsae, ginzung dangdieg caeuq bohranz hagseng daemxcengj, gyoengqde gungh hawj hagdangz gien ndij, cae, rauq, doengjfaex, rieng, muhrin, buhvaq baengzranz, haizbaengz daengj doxgaiq 38 cungj 58 aen.

Cauhbingz: Cienziep Caeuq Baujhoh Gij Dinfwngz Nyib Gaiqdaenj Conzdungj Yauzcuz

昭平: 传承和保护瑶族传统服饰工艺



12 nyied 2 hauh, Cauhbingz Yen Senhveiz Yauzcuz Yangh Mbanjmauzbingz, gyoengq boux canghnyib laux nyib gaiqdaenj Yauzcuz haenx cingq nyaengq dwk son gyoengq bouxcoz hag nyib gaiqdaenj Yauzcuz. Gaiqdaenj Yauzcuz lizsij gyaenanz, dwg Yauzcuz vwnzva yisuz ndawde aen bouhfaenh ndeu. Aendoz gwnz gaiqdaenj Yauzcuz miz minzcuz vwnzva lizsij daegsaek gig ronghsien, cien bak bi daeuj, gij gaiqdaenj de lij baujciz le yienghceij lai, loegloeg vava, aendoz geqnanz, dinfwngz ndei gij minzcuz daegdiemj neix. Gaenh bi daeuj, dangdieg cwngfuj gya rengz cienziep caeuq baujhoh Yauzcuz conzdungj gaiqdaenj, dajsiuq dinfwngz, beizyin boux ak nyib gaiqdaenj conzdungj Yauzcuz, dawz dinfwngz guh gaiqdaenj Yauzcuz daihdaih cienz roengzbae. 2006 nienz 6 nyied, Hocouh gaiqdaenj Yauzcuz gaenq ndaej liedhaeuj buek daih' it guekgya feihvuzciz vwnzva yizcanj.

◀ Senhveiz Yauzcuz Yangh Mbanjmauzbingz boux canghnyib Banz Gijcink, bineix 72 bi, de youq gwnz gaiqdaenj Yauzcuz siuq aendoz.



▲ Senhveiz Yauzcuz Yangh, boux canghnyib laux nyinhcaen son mehmbwk nomj ndaw mbanj Vangz Siujginz (baihswix boux daihngeih) daemjbaengz.